

**Аутсорсинг шартлари асосида хизматларни кўрсатиш бўйича
ШАРТНОМА № 12**

Урганч шаҳри.

2022 йил « 07 » сентябр

Кейинги ўринларда Буюртмачи деб аталувчи “Хоразм вилояти Гурлан туман 43-сонли айрим фанлар чуқур ўрганиладиган ихтисослаштирилган мактаб-интернати” номидан Низом асосида фаолият юритувчи директори И.Сапарбаев бир томондан ва кейинги ўринларда Аутсорсер деб аталувчи “Дунё жаннат гуллари” МЧЖ номидан Устав асосида фаолият юритувчи директори **Я.Назарова** иккинчи томондан, кейинчалик Томонлар деб аталади ушбу Шартномани куйидагилар тўғрисида туздилар.

I. Шартнома предмети

1.1. Пулли хизмат кўрсатиш Шартномасига кўра Аутсорсер Буюртмачининг топшириғи бўйича мазкур Шартноманинг 1.2-бандида қайд этилган хизматларни кўрсатиш, Буюртмачи эса ушбу хизматлар учун пул тўлаш мажбуриятини олади.

1.2. Аутсорсер мазкур Шартноманинг 1.3-бандида кўрсатилган муддатдан бошлаб у тугагунига қадар ҳар куни мактаб интернат укувчиларини озиқ-овқат порцияларининг белгиланган меъёрлари ҳамда Ўзбекистон Республикасининг норматив-ҳуқуқий ҳужжатлари билан белгиланган санитария қоидалари, нормаларива гигиена нормативларига риоя этган ҳолда Буюртмачи билан келишилган таомномага мувофиқ беш маҳал иссиқ овқат билан таъминлаш мажбуриятини (кейинги ўринларда Хизматлар деб аталади) ўз зиммасига олади.

1.3. Хизмат кўрсатиш муддати: 2022 йил « 07 » сентябрдан 2022 йил «31» декабргача.

1.3.1. Томонлар бажарилган ишларнинг йиғма далолатномаси ва Аутсорсер томонидан амалда кўрсатилган Хизматлар учун белгиланган тартибда расмийлаштирилган ҳисоб-фактурани имзолаганидан ҳамда Буюртмачи томонидан Аутсорсернинг мазкур шартномада кўрсатилган банк ҳисоб рақамига пул маблағлари ўтказилгандан сўнг хизматлар кўрсатилган деб ҳисобланади.

II. Томонларнинг ҳуқуқ ва мажбуриятлари

2.1. Аутсорсер куйидагиларга мажбур:

2.1.1. Таомни ва тайёр маҳсулотни сифатли тайёрлаш бўйича санитария қоидалари, нормалари ва гигиена нормативларига, укувчилар учун таъминот меъёрларига, шунингдек, Ўзбекистон Республикаси норматив-ҳуқуқий ҳужжатларининг таом тайёрлаш ва овқатланишни ташкил этишга тааллуқли қисмларидаги талабларга тўлиқ мос келадиган Хизматлар кўрсатиш.

2.1.2. Овқатланувчиларнинг овқатланишини ташкил этишда тегишли сифат сертификатлари билан тасдиқланган озиқ-овқат маҳсулотларидан фойдаланиш.

2.1.3. Хизматларни мазкур Шартноманинг 1.3-бандида кўрсатилган муддатда ва тўлиқ ҳажмда кўрсатиш.

2.1.4. Хизматлар кўрсатиш жараёнида Аутсорсер мазкур Шартнома шартларига амал қилмасдан, овқат сифатининг ёмонлашувиغا олиб келган барча камчиликларни Буюртмачининг талаби бўйича бир кун давомида бепул бартараф этиш.

2.1.5. Таомни тайёрлаш жараёнига фақат белгиланган тартибда тиббий текширувдан (кўрикдан) ўтган ходимларга рухсат этиш.

2.1.6. Ходимлар зиммасига Буюртмачининг ҳудудида одоб-ахлоқ қоидалари, шунингдек, ички кун тартибига риоя қилиш мажбуриятини юклаш.

2.1.7. Хизматларни бевосита кўрсатиш.

2.1.8. Хизматлар нарҳини оширмаган ҳолда шахсий маблағлари ҳисобидан: солиқлар тўлаш;

Белгиланган тартибда у билан меҳнат шартномаси тузган ходимлар меҳнатига ҳақ тўлаш; озиқ-овқат маҳсулотларини харид қилиш;

озиқ-овқат маҳсулотларини савдо шохобчаларидан хизмат кўрсатиш жойигача етказиш; совутувчи компрессорлар ва бошқа жиҳозларни соз ҳолатда сақлаш, таъмирлаш, қайта тўлдириш; ижарага олинган бино, хона, мебель, инвентарь ва бошқаларни зарур ҳолатда сақлаш ва жорий таъмирлаш.

2.1.9. Томонлар имзолайдиган тегишли қабул қилиш-топшириш далолатномаси ва алоҳида ижара

шартномасини расмийлаштирган ҳолда Буюртмачидан ишлаб чиқариш хоналари, жиҳозлар ва ошхона мебелини қабул қилиб олиш.

2.1.10. Мазкур Шартномани бекор қилиш ҳақида Буюртмачини бир ой олдин ёзма равишда огоҳлантириш, ушбу муддат тугагунига қадар эса Буюртмачи шахсий таркибининг овқатланишини узлуксиз ташкил этишни таъминлаш.

2.2. Буюртмачи қуйидагиларга мажбур:

2.2.1. Бажарилган ишларнинг йиғма далолатномаси ва расмийлаштирилган ҳисоб-фактура асосида кўрсатилган хизматлар учун амалдаги нархлар бўйича бир ойда камида бир марта Хизматлар ҳақини тўлаш.

2.2.2. Аутсорсерга ўқувчиларнинг овқатланишини ташкил этиш учун ижара шартномаси доирасида «ноль» ставкаси бўйича ошхоналарнинг жиҳозлари ва мебель анжомларини вақтинча фойдаланишга бериш. Ўзбекистон Республикаси Вазирлар Маҳкамасининг 2016 йил 02 майдаги 132-сонли қарорининг 1-илоvasи 49-бандига асосан таълим муассасаси ошхонасида озик-овқат маҳсулотлари ва таомларни тайёрлаш ҳамда сақлаш сарфланадиган газ, сув ва электр энергияси учун тўловлар алоҳида ўрнатиладиган ҳисоблагичларнинг кўрсаткичлари асосида, ижарага олувчи ҳисобидан қопланади.

2.2.3. Томонлар имзолайдиган тегишли қабул қилиш-топшириш далолатномаси расмийлаштирган ҳолда Аутсорсерга ошхоналарнинг ишлаб чиқариш хоналари, жиҳозлари ва мебелини топшириш.

2.2.4. Мазкур Шартномани бекор қилиш ҳақида Аутсорсерни бир ой олдин ёзма равишда огоҳлантириш.

2.3. Буюртмачи қуйидаги ҳуқуқларга эга:

2.3.1. Аутсорсинг усулида овқатлантиришни амалга ошириш учун қўйилган талаблар бажарилишини ўрганиш;

тайёр таомлар сифатининг таомномага мувофиқлигини текшириш;

тайёр таомларнинг миқдори, мазаси, таркибидаги маҳсулотларнинг сифати бўйича камчиликлар аниқланган ҳолатда Комиссияга билдирги киритиш;

харид қилинаётган озик-овқат маҳсулотлари ва тайёрланаётган таомлар, уларда фойдаланиладиган технологик санитария қоидалари, нормалари ва гигиена нормативларига мослигини, ошхоналар ходимларининг санитария-гигиена талаблари ва эпидемияга қарши тадбирлар бажарилишига риоя этилишини тасдиқланган режага асосан тегишли ваколатли мутахассилари иштироқида ўрганиш.

Бошқа ҳуқуқларга ҳам эга бўлиши мумкин.

III. Шартноманинг нархи ва ўзаро ҳисоб-китоблар тартиби

3.1. Мазкур шартнома бўйича аутсорсер томонидан бажариладиган, ишлар қиймати барча солиқлар, йиғимлар, ажратмалар ва пудратчининг бошқа харажатларини уз ичига олган ҳолда ҚҚС билан жорий нархларда 336 588 000 (Уч юз уттиз олти миллион беш юз саксон саккиз минг) сўмни ташкил этади.

3.2. Аутсорсерга шартнома суммасининг 30 фоиз миқдоридаги тўлов 100 976 400 (бир юз миллион тўққиз юз еттимиш олти минг тўрт юз) сўм олдиндан шартнома тузилган кунидан 5 (беш) банк кун ичида ўтказилади.

3.3. Аутсорсер томонидан кўрсатилган хизматлар учун ўзаро ҳисоб-китоблар бажарилган ишларнинг йиғма далолатномаси ва расмийлаштирилган ҳисоб-фактура асосида кўрсатилган хизматларнинг амалдаги қиймати бўйича 70 фоиз миқдорида ҳақиқатда кўрсатилган хизматлар суммасидан келиб чиқиб ойда бир марта, бироқ ҳар ойнинг 27 санасигача ўтказилиши шарт.

3.3.1. Овқатланадиган бир киши учун кўрсатиладиган хизматларнинг амалдаги нархи Аутсорсер етказиб берувчидан харид қилган ва тегишли меъёрлар бўйича тасдиқланган озик-овқат маҳсулотларининг амалдаги нархи (Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари баённомаси билан расмийлаштирилган, баённомаларда кўрсатилган озик-овқат маҳсулотлари нархидан баланд бўлмаслиги керак) овқатланувчиларнинг сонига кўпайтириш йўли билан Буюртмачи томонидан белгиланади. Ҳосил бўлган якуний сумма 20 фоиз устама ҳақи миқдорида кўпайтирилади (яъни, умумий сумма аутсорсернинг 20 фоизлик устама ҳақида кўпайтирилади).

3.3.2. Овқатланувчиларнинг амалдаги сони ҳақидаги маълумотлар ва овқатланадиган биркишига кўрсатиладиган хизматларнинг амалдаги нархи асосида Буюртмачи кундалик таомномага (озик-овқат маҳсулотларининг тақсимоти) мувофиқ Аутсорсер билан биргаликда ҳар ойда тўланиши

лозим бўлган суммани кўрсатган ҳолда бажарилган ишларнинг йиғма далолатномасини тузади ва ҳисоб-фактурани расмийлаштиради ҳамда улар Аутсорсер раҳбари ва мактаб-интернат директори томонидан имзоланади.

3.3.3. Буюртмачи томонидан амалда кўрсатилган хизматлар нархи белгиланган тартибда расмийлаштирилган бажарилган ишлар далолатномаси ва ҳисоб-фактура олинган вақтдан бошлаб 10 банк куни давомида Шартномада белгиланган суммадан ортиқ бўлмаган миқдорда тўланади.

3.3.4. Мазкур Шартномага 1-иловада кўрсатилган Шартнома прогноз суммасини ҳисоблаш учун озиқ-овқат маҳсулотларининг нархлари ўзгарганда ёки бошқа асосли ҳолатларда Томонлардан бирининг ташаббуси билан бир ойда бир марта қайта кўриб чиқилиши мумкин.

IV. Томонларнинг жавобгарлиги

4.1. Тарафлардан бири шартнома мажбуриятларини бажармаган ёки лозим даражада бажармаган тақдирда, бу тараф:

бошқа тарафга етказилган зарарни тўлайди;

Ўзбекистон Республикаси Фуқаролик кодексига, ушбу Қонунда, ўзга қонунчилик ҳужжатларида ва шартномада назарда тутилган тартибда бошқача тарзда жавобгар бўлади.

4.2. Аутсорсер Буюртмачи шахсий таркибининг овқатланишини ташкил этиши бўйича Шартнома мажбуриятларини ўз вақтида бажармаган ҳолатларда Буюртмачига муддати ўтказиб юборилган ҳар бир кун учун мажбурият бажарилмаган қисмининг 0,5 фоизи миқдорига пеня тўлайди. Бунда пенянинг умумий суммаси кўрсатилмаган хизматлар ойлик қийматининг 50 фоизидан ошмаслиги керак.

4.3. Етказиб берилган товарлар (ишлар, хизматлар) ҳақини ўз вақтида тўламаганлик учун сотиб олувчи (буюртмачи) етказиб берувчига ўтказиб юборилган ҳар бир кун учун кечиктирилган тўлов суммасининг 0,4 фоизи миқдорига, аммо кечиктирилган тўлов суммасининг 50 фоизидан ортиқ бўлмаган миқдорига пеня тўлайди.

Пеня (жарима) тўлаш Томонларни зиммасидаги мажбуриятларини бажаришдан ёки бузилишларни бартараф этишдан озод қилмайди.

V. Мунозарали вазиятларни ҳал этиш тартиби

5.1. Мазкур Шартномани бажаришда юзага келиши мумкин бўлган низолар ва келишмовчиликлар имкон қадар Томонлар ўртасида музокара ўтказиш йўли билан ҳал этилади.

5.2. Низолар ва келишмовчиликларни Томонлар ўртасида музокара ўтказиш йўли билан ҳал этиш мумкин бўлмайдиган ҳолатларда Ўзбекистон Республикаси қонунчилигида назарда тутилган келишмовчиликларни суддан олдин бартараф этиш тартиб-таомили амалга оширилгандан сўнг улар Ўзбекистон Республикаси қонунчилигида белгиланган тартибда кўриб чиқиш учун судга берилади.

VI. Форс-мажор ҳолатлар

6.1. Томонлар мажбуриятларнинг қисман ёки тўлиқ бажарилмаганлиги учун, агар бундай ҳолат енгиб бўлмас куч, яъни табиий офатлар, табиий ва техноген тусдаги фавқулодда ҳолатлар оқибати ҳисобланса, жавобгарликдан озод қилинади. Бунда мазкур Шартнома бўйича мажбуриятларни бажариш муддати мутаносиб равишда ушбу ходисалар рўй берган муддатга орқага сурилади.

VII. Яқунловчи қоидалар

7.1. Ушбу Шартномага ҳар қандай ўзгартириш ва қўшимчалар фақат улар ёзма шаклда расмийлаштирилиб, Томонларнинг ваколатли вакиллари томонидан имзолангандан сўнг ҳақиқий ҳисобланади. Мазкур Шартномага барча иловалар унинг ажралмас қисмини ташкил этади.

7.2. Томонларнинг ҳеч бири мазкур Шартнома бўйича ўз ҳуқуқ ва мажбуриятларини бошқа Томоннинг ёзма шаклдаги розилигисиз бирор-бир учинчи томонга бериб юбориши мумкин эмас.

7.3. Ушбу Шартнома икки нусхада тузилган. Иккала нусха айнан бир хил бўлиб, бир хил юридик кучга эга. Томонларнинг ҳар бирида мазкур Шартноманинг бир нусхаси бўлади.


VIII. Шартноманинг амал қилиш муддати

8.1. Ушбу шартнома икки томонлама имзоланган пайдан бошлаб кучга киради ва 2022 йил 31 декабргача амал қилади.


8.2. Шартнома муддати тугагандан сўнг, томонлар келишган ҳолда шартнома муддатини келгуси йилга узайтиришлари мумкин.

IX. Томонларнинг манзили ва банк реквизитлари
«Аутсорсер» **«Буюртмачи»**

“Дунё жаннат гуллари” МЧЖ	Хоразм вилояти Гурлан туман 43-сонли айрим фанлар чуқур ўрганиладиган ихтисослаштирилган мактаб-интернати
Манзили: Хоразм вилояти, Урганч шаҳар, Бобур кўчаси, 97 уй.	Манзили: Хоразм вилояти, Гурлан тумани Бобур кўчаси 71-уй
Тел/факс: 91-919-44-41	Тел/факс:
X/p:20208000900854248001	X/p: <i>1000218603320870230001503</i> МФО <i>00014</i>
	ШХР:
СТИР: 305389944	СТИР 201403654
МФО 00581	Молия вазирлиги Ғазначилиги
АТБ “Асака банк” Урганч филиали	Ягона Ғаз ХР 23402000300100001010
	Банк: Марказий банк Ташкент ш бош ХКММ
	МФО: 00014 ИНН: 201122919

М.Ў.  **Я.Назарова**

(Имзо)

М.Ў.  **И.Сапарбаев**

(Имзо)

Хуқуқшунос:
(Имзо)(Ф.И.О.)



«07» сентябр 2022 йилдаги №12-ШАРТНОМАГА
ИЛОВА

Буюртмачи:

Гуран тумани 43-сон давлат мактаб-интернати

Бажарувчи:

Дунё Жаннат Гуллари МЧЖ

№	Товар ва хизматлар	Ўлчов бирлиги	Ўқувчи сони	Кунлар сони	Жами хизмат сони	Битта хизмат нархи	Умумий қиймати
1	Ўқувчига 5 маҳал овкатланиш овкат пули-сентябрь ойи учун	хизмат	210	23	4830	15 000	72 450 000
2	Ўқувчига 5 маҳал овкатланиш овкат пули-октябрь ойи учун	хизмат	210	25	5250	17 000	89 250 000
3	Ўқувчига 5 маҳал овкатланиш овкат пули-ноябрь ойи учун	хизмат	210	22	4620	18 000	83 160 000
4	Ўқувчига 5 маҳал овкатланиш овкат пули-декабрь ойи учун	хизмат	210	24	5040	18 200	91 728 000
Жами:							336 588 000

Жами тулов: 336 588 000 (уч юз уттиз олти миллион беш юз саксон саккиз минг) сўм



"АУТСОРСЕР"



"Буюртмачи"